
Lescha introductiva tar la Cunvegna interchantunala davart las acquisiziuns publicas (LItCIAP)

Dals [Data]

Relaschs tangads da questa fatschenta (numers dal DG)

Nov:	803.600
Midà:	170.450 830.100
Aboli:	803.300

Il Cussegl grond dal chantun Grischun,

sa basond sin l'art. 5, l'art. 9 e l'art. 11 da la Lescha federala davart il martgà intern (LMI)¹⁾ dals 6 d'october 1995 e sin l'art. 63 da la Cunvegna interchantunala davart las acquisiziuns publicas (CIAP) dals 15 da november 2019, suenter avair gi invista da la missiva da la Regenza dals ...,

concluda:

I.

Art. 1 Object

¹ Questa lescha regla l'introducziun da la Cunvegna interchantunala davart las acquisiziuns publicas dals 15 da november 2019 (CIAP) en il chantun Grischun.

Art. 2 Champ d'applicaziun (art. 10 al. 1 CIAP)

¹ L'excepciun da la subordinaziun tenor l'artitgel 10 CIAP na vala betg per incaricas ad organisaziuns da l'integraziun en il mund da lavur.

¹⁾ CS [943.02](#)

Art. 3 Publicaziuns (art. 48 al. 1 CIAP)

¹ Las incumbensadras ed ils incumbensaders publitgeschan agiudicaziuns ch'èn vegnidas concedidas ordaifer il sector da contracts internaziunals en la procedura directa tenor l'artitgel 21 alinea 2 CIAP.

Art. 4 Protecziun giuridica (art. 52 CIAP)

¹ Cunter disposiziuns da las incumbensadras e dals incumbensaders èsi admiss da far recurs davent dal stgalim da la procedura d'invit.

Art. 5 Annunzia d'exclusiuns (art. 45 al. 3 CIAP)

¹ En cas d'exclusiuns tenor l'artitgel 45 alinea 1 CIAP trametta l'incumbensadra u l'incumbensader al chantun ina copia da la decisiun legalmain valaivla. Quel fa in'annunzia a l'Organ interchantunal per las acquisiziuns publicas (INAP).

Art. 6 Disposiziuns executivas (art. 63 al. 4 CIAP)

¹ La Regenza decretescha las disposiziuns executivas tar la CIAP e regla en quellas ils detagls da la procedura, da l'execuziun e da l'organisaziun.

² En spezial vegn ella autorisada:

- a) da determinar ils posts ch'èn responsabels per l'execuziun, per las controllas e per la sorveglianza (art. 12 al. 5, art. 28 al. 1, art. 45 al. 1 fin al. 5, art. 50 al. 1 sco er art. 62 al. 1 ed al. 2 CIAP);
- b) da definir las modalitads da la procedura electronica (inoltraziun electronica d'offertas e communicaziun electronica da disposiziuns) (art. 34 al. 2 CIAP);
- c) da prevair organs da publicaziun supplementars (art. 48 al. 7 CIAP);
- d) da prevair ulteriuras statisticas ed obligaziuns d'annunzia da las incumbensadras e dals incumbensaders;
- e) da delegar il dretg da l'incumbensadra u da l'incumbensader da communitgar disposiziuns (art. 51 al. 1 CIAP);
- f) da determinar il post chantunal ch'è responsabel per l'execuziun unitara, per la gestiun da las statisticas, per la furniziun d'informaziuns sco er per la scolaziun e per la furnaziun supplementara en il sector da las acquisiziuns publicas;
- g) da prevair mesiras che las incumbensadras ed ils incumbensaders prendan cunter las ristgas, sco il fauss cumportament d'offerentas e d'offerents u dal persunal d'acquisiziun.

II.

1.

Il relasch "Lescha davart la cassa da pensiun dal Grischun (LCPG)" DG [170.450](#) (versiun dals 01-01-2015) vegn midà sco suonda:

Art. 13 al. 1 (midà)

~~Dretg da submissiun public~~**Acquisiziuns publicas (Titel midà)**

¹ La cassa da pensiun n'è betg suttamessa ~~al dretg da submissiun publica~~ **las acquisiziuns publicas.**

2.

Il relasch "Lescha davart l'assicuranza d'edifizis dal chantun Grischun (lescha davart l'assicuranza d'edifizis, LAE)" DG [830.100](#) (versiun dals 01-04-2019) vegn midà sco suonda:

Art. 30 al. 2 (midà)

² Per investiziuns da chapital n'è ella betg suttamessa ~~al dretg da submissiun publica~~ **las acquisiziuns publicas.**

III.

Il relasch "Lescha da submissiun (Lsub)" DG [803.300](#) (versiun dals 01-01-2014) vegn aboli.

IV.

Questa lescha è suttamessa al referendum facultativ.

La Regenza fixescha il termin da l'entrada en vigur da questa lescha.